



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: _____.

Datum: _____.

PRIJEDLOG

Na osnovu člana 14. stav 4., a u vezi sa članom 16. stavom 2., 4. i 5. Zakona o eksproprijaciji ("Službene novine F BiH"; broj: 70/07 i 36/10) i člana 14. stav 4. Statuta općine Tešanj ("Službeni glasnik Općine Tešanj", broj: 11/07), Općinsko vijeće Općine Tešanj, na redovnoj sjednici održanoj, dana, _____2013.g., rješavajući po prijedlogu Općinskog pravobranilaštva Općine Tešanj i Doboj-Jug, za utvrđenje javnog interesa u cilju izgradnje cjevovoda u Miljanovcima, donosi

ODLUKU

1.UTVRĐUJE SE DA JE OD JAVNOG INTERESA izgradnja priključnog cjevovoda u Mjesnoj zajednici Miljanovci Općina Tešanj kao nastavak realizacije projekata izgradnje bunara u Gornjim Miljanovcima i da se može pristupiti nepotpunoj eksproprijaciji nekretnina za trasu cjevovoda sa signalnim kablom od postojećeg rezervoara koji se nalazi na parceli oznake k.p.br.143/2 za K.O.Lončari i ide parcelama kako je to predviđeno "Idejnim projektom priključnog cjevovoda i bunara EBM1 Miljanovci" i koje su sve označene kao u Tabeli-SPISAK PARCELA sve do parcele na kojoj se nalazi bunar, a označena je kao k.p.br.929/3 za K.O.Miljanovci Gornji.

2.Utvrđuje se da je Općina Tešanj korisnik nepotpune eksproprijacije u svrhu izgradnje cjevovoda i drugih pratećih objekata na zemljištu navedenom u Tabeli-SPISAK PARCELA.

3.Sastavni dio ove Odluke je pregled parcela preko kojih prelazi cjevovod utvrđeno kao u Tabeli-SPISAK PARCELA i Izvod iz "Idejnog projekta priključnog cjevovoda i bunara EBM1 Miljanovci", koji se nalaze u prilogu.

4.Protiv ove Odluke može se pokrenuti upravni spor podnošenjem tužbe Kantonalnom sudu u Zenici u roku od 30 dana računajući od dana prijema ove Odluke. Tužba se podnosi neposredno sudu.

Dostavljeno:

- 1.Općinsko pravobranilaštvo Općine Tešanj i Doboj-Jug, ovdje.
- 2.Posjednici navedeni kao u Tabeli putem Oglasne Općine i MZ.
- 3.Služba za katastar, urbanizam i imovinsko pravne poslove, općine Tešanj.
- 4.Općinsko vijeće općine Tešanj, ovdje.
- 5.Arhiva.

**PREDSJEDAVAJUĆI
OPĆINSKOG VIJEĆA**

Fuad Šišić, dipl.ing.maš.

O B R A Z L O Ž E N J E

PRAVNI OSNOV:

Na osnovu člana 14. stav 4., a u vezi sa članom 16. stavom 2.,4. i 5. Zakona o eksproprijaciji ("Službene novine F BiH"; broj: 70/07 i 36/10) i člana 14. Statuta općine Tešanj ("Službeni glasnik Općine Tešanj", broj: 11/07).

Član 14. Stav 4. Zakona o eksproprijaciji propisano je da Odluku o utvrđivanju javnog interesa za izgradnju objekta ili izvođenje radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.

Član 16. Stav 2. Zakona o eksproprijaciji propisano je da prijedlog za utvrđivanje javnog interesa podnosi Vladi, odnosno vladi kantona ili općinskom vijeću, putem federalnog, kantonalnog organa uprave ili općinske službe za upravu za imovinsko-pravne poslove, a sadrži elaborat eksproprijacije (geodetsko-katastarski plan područja eksproprijacije, podatke o nekretninama za koje se predlaže utvrđivanje javnog interesa, procjenu vrijednosti nekretnina, cilj eksproprijacije i druge podatke za utvrđivanje javnog interesa.

Stavom 4. Istog člana Zakona o eksproprijaciji propisano je da se aktom o utvrđivanju javnog interesa, u skladu sa odredbama ovog člana, određuje se korisnik eksproprijacije.

Stavom 5. Istog člana Zakona o eksproprijaciji propisano je da se protiv akta o utvrđivanju javnog interesa može pokrenuti upravni spor kod nadležnog suda, osim u slučajevima iz člana 15. ovog zakona.

RAZLOZI DONOŠENJA:

Putem Službe za katastar, urbanizam i imovinsko pravne- poslove, Općine Tešanj, podnesen je prijedlog od strane Općinskog pravobranilaštva Općine Tešanj i Doboj-Jug, u skladu sa Zakonom o eksproprijaciji, radi utvrđivanja javnog interesa i provođenja postupka nepotpune eksproprijacije za izgradnju priključnog cjevovoda u Mjesnoj zajednici Miljanovci.

Uz prijedlog je podnesena Odluka o utvrđivanju javnog interesa za izgradnju bunara za potrebe vodovoda u Gornjim Miljanovcima na dijelu parcele k.p.br.929 za K.O.Miljanovci Gornji ("Službeni glasnik Općine Tešanj", broj: 10/11), kopija izvoda trase cjevovoda iz "Idejnog projekta priključnog cjevovoda i bunara EBM1 Miljanovci, Općina Tešanj, kopija izvoda iz ("Službenog glasnika općine Tešanj", broj: 10 od 23.01.2013.g.) kao dokaz da u budžetu Općine Tešanj postoje planirana sredstva, te identifikacija parcela broj:06-30-9-85-22/13 od 11.03.2013.g.

Organ nadležan za imovinsko-pravne poslove je po službenoj dužnosti pribavio podatke o zemljištu, i to: PL br. 66 i 65 za K.O.Lončari, PL br.153,455, 7, 422, 1048, 528, 910, 13, 969 19, 271, 527, 20, 1069, 14, 1039 za K.O. Miljanovci Gornji, te z.k. ul.br. 20, 849, 922, 406, 814, 336, 41, 276, 815, 264, 396, 264, 743, 655, 294 za K.O.Miljanovci, z.k.ul.br 147 za K.O.Lončari i kopiju katastarskog plana.

Obzirom na naprijed citirane odredbe Zakona o eksproprijaciji ("Službene novine F BiH"; broj: 70/07 i 36/10), predlaže se Općinskom Vijeću kao nadležnom tijelu, da u smislu naprijed izloženog, usvoji prijedlog ove Odluke kojim se utvrđuje da je od javnog interesa izgradnja trase cjevovoda u Miljanovcima u cilju realizacije projekta izgradnje priključnog cjevovoda i bunara EBM1 Miljanovci da se može pokrenuti postupak nepotpune eksproprijacije na traženoj lokaciji u korist korisnika eksproprijacije Općine Tešanj.

Općinskom Vijeću Općine Tešanj se predlaže da u smislu naprijed izloženog, usvoji Prijedlog ove Odluke.

O B R A D I V A Č:

**Služba za katastar, urbanizam i imovinsko- pravne poslove
POMOĆNIK OPĆINSKOG NAČELNIKA**

**P R E D L A G A Č:
OPĆINSKI NAČELNIK:
OPĆINE TEŠANJ**

NADIR Medarić, dipl. ing. geodezije

mr.sc.SUAD Huskić, profesor

Broj:02-31-3-409/13.

Dana, 19.03.2013.g.